



Siri Undang-Undang Persaingan: Bahagian I

5 PERKARA YANG PERLU AWDA KETAHUI MENGENAI PERINTAH PERSAINGAN

1 Objektif

Perintah Persaingan bertujuan untuk meningkatkan kecekapan pasaran dan kebajikan pengguna dengan mempromosi dan melindungi proses persaingan dalam landskap ekonomi Negara Brunei Darussalam melalui larangan amalan perniagaan yang menghalang atau menyekat persaingan yang adil.

2 Penguatkuasa

Suruhanjaya Persaingan Brunei Darussalam (CCBD) sebagai sebuah badan bebas - *quasi* kehakiman adalah penguatkuasa utama Perintah Persaingan.

Jabatan Persaingan dan Hal Ehwal Pengguna merupakan Sekretariat Eksekutif kepada Suruhanjaya dan bertanggungjawab dalam menjalankan kerja penyiasatan, kajian pasaran, penasihat dan advokasi.

3 Pengenaan

Perintah ini dikenakan kepada perusahaan (termasuk peniaga persendirian, perkongsian, dewan perdagangan dan persatuan perniagaan) yang terlibat dengan aktiviti komersial tanpa mengira kedudukan pemilik.

Aktiviti-aktiviti yang terkecuali adalah tersenarai dalam Jadual Ketiga Perintah ini.

4 Larangan Utama

Perintah Persaingan melarang tiga amalan anti-persaingan utama:

- i) Perjanjian Anti-Persaingan;
- ii) Penyalahgunaan Kedudukan Dominan; dan
- iii) Penggabungan Anti-Persaingan.

Penetapan harga; tipuan bidaan; perkongsian pasaran; dan pengawalan bekalan adalah amalan Perjanjian Anti-Persaingan yang nyata dilarang di bawah Perintah ini.

Larangan-larangan utama akan dikuatkuasakan secara berfasa mulai dengan larangan Perjanjian Anti-Persaingan.

5 Tarikh Penguatkuasaan (Perjanjian Anti-Persaingan)

Perintah Persaingan akan mula berkuatkuasa pada 1 Januari 2020. Tempoh Peralihan telah diperkenalkan pada 1 Jun 2019 bagi membolehkan peniaga mengubah, merunding semula atau menamatkan perjanjian anti-persaingan bagi mematuhi peruntukan Perintah ini.

